

大威德陀羅尼經

卷二

百十一
靡二

48576




元祿九年丙子二月日重脩

皇圖永固 帝階綴昌

佛日增輝 懋輪常轉

山城州天安寺法金剛院置



大威德陀羅尼經卷第二

隋天竺三藏闍那崛多等譯



摩

阿難有根名為勝復有根名為堅勝宮根生
已當發十心所謂一離慢心二生愛念心三
生歡喜心四生作業心五生踊躍心六彼現
前念心七彼惡色不入鼻不窅曲八臨命終
時心不懷惡九於愛物中不生慳恡十彼眼
目狀如鬱金根色歡喜微笑其面向
宮殿若有衆生具足如是諸根狀貌智者當
知是人即生三十三天宮殿之中又有十根
相及十種身所作相智者應知此等衆生捨
此身已當墮阿鼻大地獄中何等為十所謂



惡心觀己妻子手捫虛空不受善教流淚墮
落屎屁汗穢閉目不視以衣覆頭無食空噍
身體羶臭命欲終時其足破裂鼻根傾倒左
右縮申而取命終伏面思惟而動左眼眼色
焰赤有如是種如是狀貌如是處所智者應
知此等衆生從此捨身當墮阿鼻大地獄中
又有衆生五相具足智者當知從此捨身生
畜生中何等爲五於妻子所愛心所牽手足
指等悉皆捲縮腹上汗出作白羊鳴口中沫
出如是五種如是相狀如是處所智者應知
此等衆生從此捨身生畜生中有八種相智
者當知此等衆生捨此身已生閻摩羅卍何

等爲八轉舌舐上及舐下脣身體惱熱求欲
得水論說飲食而但口張眼目青色如孔雀
項瞳人乾燥放糞無尾右脚先冷而非左足
口言燒我亦云炙我以右手作拳何以故如
是慳貪諸過患故不捨施故而取命終有如
是種如是相狀衆生具足命終之時智者應

知當生閻摩羅卅復有衆生十相具足智者
應知從此捨身當生人間何等爲十有一衆
生最後三摩耶時有如是心安住不動繫縛
緣中端正可喜所欲可作無痛無憂彼臨命
終於最後息出入轉時求父母名求兄弟名
求姊妹名求朋友知識名其心不亂其心不

迷其心不諂其心惇直付囑父母囑累朋友
及與知識相喜樂者所發業事皆悉付囑所
有藏伏藏皆悉示人若世有佛信如來者彼
稱南無佛陀若非佛世當信外仙彼稱其名
作是希有乃至如是微妙園林河池住處亦
不張口仰卧端身不作荒言不受苦惱不恐
不驚身不峻裂亦無惡色身體柔爽轉縮住
心有如是等有如是種如是形相智者應知
此等衆生從此捨身當生人間往還七返如
地獄衆生從地獄還已還生地獄彼轉業已
地獄捨身當生畜生彼轉身已從畜生捨身
還生畜生中彼轉業已從地獄畜生捨身已

當生閻摩羅世彼轉業已從閻摩羅世捨身
命已還生畜生及以地獄十四業有三十種
相衆生旋轉從地獄出生畜生中從畜生出
生閻羅世從閻羅世還生畜生從畜生還生
地獄二種三十具足此六十勝業如來悉知
彼發業處亦知寂靜發業處各各有相如來
悉知業各別處如來悉知寂靜別處如來悉
知戒行別處如來悉知各別師導亦知非師
如來已知一切衆生諸名各別如來悉知如
來名号十力名号佛陀名号知自生智非師
智名亦知帝釋所有名号亦知梵名亦知大
自在名亦知不可稱名亦知善月名亦知普

眼名亦知導師佛名主將亦名勝導師亦名
世親亦名不離福亦名勝陣亦名勇健亦名
善丈夫亦名最丈夫亦名最極丈夫亦名最
雄猛丈夫亦名賈主亦名師子亦名須彌山
亦名不動者亦名普眼亦名金剛亦名如金
剛亦名善宿亦名宿王亦名月亦名日亦名
離闇亦名闇浮金光亦名普光阿難此是諸
佛名字猶如華鬘如來不可以百千那由他
俱致劫而可宣說盡極其邊際復次阿難惟
有如來於此修多羅法本中五百如來名号
說已爲日爲月略說五百名号日亦五百月
亦五百諸宿五百破壞五百諸見五百頭名

五百眼名五百耳名五百鼻名五百舌名五
百身名五百手足名亦復五百乃至略說有
五百善根若有一善根純熟故滿足人相諸
相無缺無減亦不可降亦不可伏他不能勝
不可得邊當有無量當有無稱五十二百千
等最勝功德如來足下於脚指間有一毛盡
文或言一毛聚出生何故名毛盡文更不於彼死身
中住故言盡文復名盡文入虛空相當說此
業所有三千大千世界名曰佛刹如來以彼
盡文住如來指下者欲舉須彌山王無量無
邊百千等數乃至梵天而彼如來不盡示現
一切無畏大神通力於彼神通五處最勝出

第一明中五不離別五棄捨五行風輪四界
於中所有地界以四種相於色中說何等爲
四塵大虛空染十方染虛空同色攝以往業
積集故五種水娑囉伽色水多毗沙色水薄
酪漿色水頗犁色水瑠璃色水是爲五色水
五忘失事五善根增長五事句五邪行五道
流轉生死五無益語日月各有五百聖諦亦
有五百彼處語彼處所說五如法呵責五百
頭患乃至有五百手脚患五百非善丈夫成
禿患丈夫有五百勝事婦人所無五分具足
婦人不成丈夫有疽蟲室故婦人多欲婦人
有五膻麩而丈夫所無女人五法具足不自

由衆生有五勝六意取法六作淨法六寂處
丈夫具足六法轉男已得婦女身何等爲六
妬嫉故強姪他婦白法減少非道分行意樂
謗法是爲六婦人有六種法具足轉婦女身
得丈夫根何等爲六歸依佛歸依法歸依僧
護己夫主不妬嫉心發願爲先有惡比丘六
法具足當墮阿鼻大地獄後背七佛何等爲
六讀誦外道論持戒比丘尼令墮戒聚以非
梵行法謗梵行比丘菩薩乘比丘令退菩提
心自造佛言誑衆演說姪五戒優婆塞妻是
名六法令墮阿鼻大地獄復背七佛比丘尼
有六法具足當生驢身常負苦重食糞噉穢

多有鬪諍不能生忍烏鳥啄蹋爲人所乘脚
行繚戾多被杖捶何等爲六有比丘尼墮人
胎或令他受胎或汙他家令持戒比丘墮失
戒聚誹謗持戒比丘尼共惡比丘多結朋友
謗佛菩提此具六法比丘尼當墮驢中優婆
塞有六法具足不覺往昔任持當成惡優婆
塞何等爲六無忍與諸比丘少時愛敬以一
惡事一切皆捨恒作俗事吉凶說佛爲惡共
惡比丘雜合同聚散三寶物此六法具足成
惡優婆塞六法具足惡優婆夷當作二根事
何等爲六說佛爲惡令比丘墮戒聚說法爲
惡復作是言無有涅槃說僧爲惡復作是言

無有聖僧不信業果將持戒比丘詣於酒處
如來塔中所施華鬘及香奪已自用此六法
具足惡優婆夷能成二根六種所作無行應
知六種作平等應知六緣應知六四雙應知
六三應知二十百千拘致說聖諦應知種種
言音如言苦聖諦四十一百千拘致聖諦依
義演說六不迷六迷六言斷六上滅六心恐
怖無歸依六戒果六聞果六施果六智果六
攝爭競六一切衆生懈怠事惟除如來六勝
諸羅漢以是故言阿羅漢也婦人六種幻具
足故言婦女也六作道法六作無親法六說
論六斷論六常論六次第行六法具足諸衆

生四大盛壯時命終六身痛六種法具足衆
生面門臭六法具足他不受語六法當麁屑
六法當鞭諂曲六法當不希望六法當僵六
法當跛六法不知母六法不知父汝母汝父
如是不知朋友六法當生旃陀羅家六法當
販豬六法當生獼猴中六法當作婦女六法
姪欲不避尊卑六法當生王家六法當得王
六法當少分行六法戒至邊當失六法當受
畜生六法當得天堂六法當得鳥頭六法當
得熟眼六法當得白羊眼六法肚當有毛六
法當早老六法世間毀他六法屬他一切法
六法不著一切法六衆生直心六稱量六作

朋友法六不詐聖法七菩提分七根處七行
七行勝七梵業七脫業七天業七阿修羅業
七未來七名業七種意八分聖道八界業八
語業八諸衆生方便八種衆生友一切衆生
非衆生一切衆生化一切衆生無有疑一切
意無意一切聲作已無有一切無實病一切

病非語言道一切語道苦一切苦無智一切
無智盲一切盲非眼若無眼於中無智若無
者彼是凡愚若凡愚者彼有恐怖以凡夫故
則有恐怖其智慧者則無恐怖何以故名爲
智者以有無邊故言智者言無邊者彼無所
有若無所有彼滅渴愛渴愛煩惱共丈夫合

彼彼處無是故言無言無者滅生何名有生
若彼處斷滅彼無有生若任彼滅復名邊者
所作皆離若於彼中作斷想故彼名捨離何
者捨離若於中無初亦無有邊彼何處有中
是故如來說於中法彼中無處亦無任持亦
無任處無色無想彼法可捨何者可捨捨貪
欲捨瞋恚捨愚癡故言可捨何者捨名若於
是中無有鎧甲於鎧甲中凡夫等輩於五欲
功德中苦痛疲乏何者是五欲功德如來說
五欲功德已彼諸凡夫愚惑受用八迷惑行
八聖勝聖諦八受八道勝八行力勝八種辯
才闇浮提中八辯才發業八辯才戒聚和合

八和合法名字八名字和合作業八種八相
別名不能說一切語言名八意事八無有發
業於中得慢名八非住處住已說法八真實
八別真實八虛妄事十一種有色住八有色
恐怖住處丈夫七舌根相當得色八心痛不
慎故發時不可知不得現見八虛妄事八欺
誑事八初後乏少八衆生八法衆生具足妄
語應知彼多作業有欺誑者共會集聚好數
相看于拍手作如是言彼舍有物應當施我
復共相命詣檀越家更相讚歎使知有德別
離去時種種語論求物方便又復遣使向彼
求物云我有所須復有八法作詐誑名如是

諸法當有分別當有分劑八衆首八朋黨破
壞八少福處八善根種善根成熟故得智具
足此一勝根次第智慧八發一切法無諂曲
一發起合邊際門二發起合忍至第三發起
合結憂四發起合根主第五發起合集六發
起合苦滅七發起合壞印八發起合降化八
難調伏八易降伏八是想衆生八作作八斷
滅事八守護伏藏八不愛八癡網八法具足
衆生墮邪見八可捨想八作業墮八丈夫法
具足於此捨身當向賢處八破智者應知八
種諍競法智者應知阿難此等印句不錯句
真實句不顛倒句業作入句聚集和合句勝

句智句佛句現見句和合句最勝句若如此
相諸句作義能解入者過去已入今現在入
未來入者彼爲一切衆生意所信樂能取勝
智取最勝法當得成就最上勝智當轉法輪
得勝支提當得八百千數諸佛法門當得入
舌根謂如來舌根具足五十七百千功德如
來以字說一切衆生各得歡欣若有一衆生
於如是法如是清淨如是光明若受持讀誦
修習於阿耨多羅三藐三菩提種諸善根如
來說彼得阿耨多羅三藐三菩提不以爲難
何以故所有諸善菩薩行諸善菩薩心菩薩所作
十二根本善根具足五千種辯才具足六十

四俱致善根增長當淨佛眼東方南方西方
北方無有障礙如來萬俱致善根莊嚴如來
住金色身彼如來身於一切三千大千世界
中作大光明然彼光明石壁無礙非山非燈
非須彌山樹林之所障礙破一切闇已如來
光明最爲微妙若是相智當欲得者佛知彼

人於是法中當得勤求九衆生居處九種過
患九悔死九攝衆生九法具足侵他婦已當
受女身九受供養患九前後離九有爲印九
可信樂九朋友無信處九十九百千俱致所
有諸人文字淨九供養他法九別異九法具
足衆生於佛不淨信九法具足衆生於佛法

中不淨信九法具足衆生於衆僧邊不淨信
九法具足衆生誹謗法九法具足衆生當盲
二十一百千種病誹謗法者衆生當得九作
不和合如來分別業處九分具足地分所有
果樹不與果實九樹相九地相九婦女相九
丈夫相九時相九淨相九道相九地獄相九
畜生相九閻羅王世相九蛇家九治九頭脉
九輕九外取九眼相九分工巧二十二百千
治身病九毒往昔迦葉佛教中顯示耆婆醫
王以此修多羅句於治病師中最勝第一阿
難此入根本於一切法令作歡喜故一切諸
法攝取故如來十力如來十因十種如來所

說十種如來生處十如來寂靜十如來三昧
十眷屬印十作廣法十明力十根處住十共
知名十見道十面門十觀比丘十法具足當
勤受持比丘一切闕減比丘十法具足至阿
蘭若比丘十法具足墮於四禪墮已當入阿
鼻大地獄中比丘十法具足阿蘭若住處有
事物分別非事物分別比丘十法具足速疾
早下不復重迴十七種事誹謗佛十六相誹
謗法三十一相誹謗僧六十九因緣比波婆
瞿稚娑娑比佞夜六十七相當不得衆阿難
十詐善相十詐善衆具十詐善思想十詐善
行何等爲十詐善憍慢詐善難共事詐善難

得意詐善及作聲詐善出家形色詐善力慢
詐善如騾為相詐善住高原詐善家得名稱
詐善現病詐善此等十詐善邪行活命彼不
見好狀如塚墓亦如野干如大毒蛇破戒沙
門猶釣魚鈎如蛇獼猴生盲之者滅佛菩提
十相似說法師十持律相似十持修多羅相
似十住阿蘭若相似十知僧事相似十優婆
塞相似十優婆夷相似十住房相似十施非
大施十施是大施十斷施十先施下十慳面
相十與已面相悔十告說面相十怖告諸尊
長十言下十於先告十告先相相續繫縛事
十事行希望得菩提十信得菩提十取已疑

十勝事十功巧處十知事十聰明法十諸健
者行十捨事十水壞十作患法十滅過患十
攝受十說者十十者十業十世喜十癡法十
時十法具足當滿足黃門中十大過患十住
處十種種墮十亂十捨法十衆生欣十龍家
娑闍度阿尼佉摩奴一阿波余帝舍二羅婆
諦婆三攝吉盧婆四娑囉氈耶五蘇暮瞿阿
陀陀途住六阿你拓七波施舍八迦車烏阿九
十發十惡道十婦女纓絡一婦女纓絡十無
節十小節十初後之少十跛行一婦女過失
勝一切過失謂婦女欲行不知獸足寧以蘇
油滅大火聚以獼猴作轉輪王寧以狗行於

虛空寧以諸阿脩羅至善法堂寧以糞穢作
旃檀香而彼女不可以百丈夫若千丈夫乃
至俱致丈夫令其婦女欲情滿足佛說是語
已阿難白佛言世尊我聞婦女如是惡事按
擾我心佛言阿難汝豈不於此處生希有耶
阿難白言如是世尊於此處中可作希有佛

言阿難於是處莫作如是希有事也於恒河
中可作文字然後婦女不可以欲令其獸足
復次阿難復有噉蟲名曰荼舍迦微細於尸
梨迦多可得虛空中示其足跡見其行步而
彼婦女不可以欲令其滿足一幻二三四五
阿難略說婦女有無幻法何故名爲母村以

人世間語言故名母村非如來耶謂大人者
略說此語亦名母村如來知彼故亦言母村
阿難丈夫有八萬四千諸過患令丈夫隨順
婦女有五十七種事具足婦女於丈夫邊作
奴僕想丈夫有十幻過十失十觀入法十丈
夫治罰丈夫有十法具足戀著婦女已作羊
鳴十法具足丈夫著糞穢應知十法具足丈
夫從高墮阿鼻大地獄十法具足丈夫當發
一心生得聖人捨家出家若有捨家出家者
彼當得五十七丈夫法若有不捨家出家者彼
當得六十九種百千惡法十住阿蘭若業十未
來生道十嫉妬法十住阿蘭若功德一世間印

十眷屬十因處十趣事十世間希有法十一切
事十尼軋子語十世智辯何等爲十無諂平等
世辯不觀世辯妄失世辯勝衆具世辯常怒
幾世辯當勤求世辯勝成熟世辯斗藪事世
辯斷語言世辯普衆具世辯衆生十法具足
如實自身過患不知而得財利十分具足處應
取於中如來爲降伏世辯故建立五事何等爲
五謂聖諦事因緣中生巧方便事於思惟處
憶念事一切法作成就事於智慧中勝印事十
瞎患十過患十屢患十青眼患十羊眼患十
少指患十一拍患十黃門患十津流患十城
患十王過患不畏佛者十病患十拍過長患

十流轉患十八身節患於外道言中一句安置
於佛言中不迷佛語離惡過患於佛言中更
無勝者佛語無上若於佛言中有如是念求
過惡者彼等不得取如來為師何以故如來
世尊無有上者如來世尊無有疑惑如來所
作皆悉為善無不善故於佛語中無有闢諍
滅盡作業如是等處無少方便若有如是不
缺少者如是圓滿如是具足如來如是說一
切作一切法和合於一切法平等修行一切法
稱一切法印一切法母一切法選擇一切法集
一切法相一切法淨一切法觀察若比丘若比
丘尼若優婆塞優婆夷受持讀誦修習者彼

等當得十種處何等為十當得勝智得念不
忘當得勝慧得生好處遠離諸惡諸外論師
來趣向者如法事中善能調伏於一日中當
能誦持得四千偈如心所念心所願處若聲
聞乘中若辟支佛乘中若佛乘中彼處彼處
得度彼岸於善中無所闕少聞他所說而不
忘失於義辯中於法辯中於辭辯中於樂說
辯中而作勝因當得好色形體端嚴他不能伏

大威德陀羅尼經卷第二

靡

窠曲

上烏瓜反也

捫

音門摩

屐屣

二字俗作屎尿

噍

才笑反

齧羶臭

上然反詩

捕

薄胡反

捲縮

上巨負反作瘻

舐

時紙

反取以物也
舌瞳音童子目
惇都厚反
峻裂皮王七旬反

奘正作賁音客商
髮反莫班
秃他無谷反
疽蟲起也

徐反
下
啄蹋上音卓
捶一委反
奪徒活

吾更反
販反方万
鎧反苦亥苦愛一
疲勞音皮分劑去上
鞞

聲呼反
下
希望下音
氈反之延
你乃盲
柘之夜擾

音在
也
斗藪正下作音
攷二
亂也
也

